

ایوبینگ گو جری نیو ز بلیٹن مورخہ 06 اپریل 2025

- *1۔ پولیس نے دہشت گرداں غے خلاف جموں ڈویزن مانہہ کا روٹیاں مانہہ تیزی لیا تاں واں کئی جگہاں ور چھا پہ ما ریا ہیں۔
- *2۔ جموں کشمیر یوٹی نے جے جے ایم اسکیم غے تحت نلکہ سنگ پانی مہیا کران غو 81 فیصدی کم مکمل کر لیا ہے ، جد کہ سرینگر تے گاندبل ضلعاں مانہہ 100 فیصدی کم مکمل کر لیا گویا ہے۔
- *3۔ بھا رتیہ فضائیہ نے گواہٹی مانہہ پہلی وری اپنا 93 واں یوم تاسیس غا موقع ور مکمل ہوائی شو غو مظاہرہ کیو ہے۔
- بی ایس ایف غا ڈائریکٹر جنرل نے اوپریشن سینڈور غے بعد پہلی وری جموں *4۔ مراتھن غی قیادت کی ہے۔
- *5۔ تے معروف فلمی آداکار سنیل شٹی غو کہنو ہے جے بالی وڈ کشمیر مانہہ فلم شوٹینگ واسطے فر تیں تیا رہے۔

Anti Terror Ops

جموں کشمیر پولیس نے رام بن ، ڈوڈہ رتے کشتواڑ ضلعاں سمیت پورا جموں ڈویزن مانہہ دہشت گرداں غے خلاف کاروائیاں مانہہ بابدو کر دتو ہے ۔ یہ کاروائیاں پاکستان تیں دہشت گردی غی کا روٹیاں نانہہ انجام دین آلا مقامی دہشت گرداں تے اُن غا مدد گاراں غے خلاف شروع کی گئی ہے ۔ سماجی میڈیا غی اک پوسٹ ور رام بن پولیس نے جانکا ری دیتاں واں دسیو ہے جے پاکستان تے مقبوضہ جموں کشمیر تیں دہشت گردی غی سرگرمیاں مانہہ ملوث مقامی دہشت گرداں تے اُن غا مدد گاراں غے خلاف تلاشی تے محاصرہ غی کاروائیاں کی جا رہی ہیں، تا نچے دہشت گردانہ کاروائیاں ور قابو پایو جا سکے۔ اسے طرح ڈوڈہ پولیس غی طرفوں وی دہشت گرداں غا مدد گاراں یعنی او جی ڈبلیوز غے خلاف بڑا پیمانہ ور کاروائیاں کی جا رہی ہیں ۔ تا نچے دہشت گردی غی سرگرمیاں ور روک لائی جا سکے۔ تے اس راہ دہشت گردی غا ٹانچہ نانہہ مسمار کیو جاسکے۔ بکھ بکھ جگہاں ور تلاشی کاروائی کی جا رہی ہیں تے مزید اطلاعات غو انتظار ہے ۔ اسے طرح غی کاروائی ضلع کشتواڑ مانہہ وی جا رہی ہے ۔ اس ضمن مانہہ ان کاروائی غو خیر مقدم کرتاں واں ایم ایل اے ڈوڈہ ویسٹ شکتی راج پریہار نے اس طرح کہیو۔ بائٹ۔۔

SIA Narco Terror

ریا سستی تحقیقاتی ایس آئی اے نے ایک بڑی کامیابی حاصل کرتا ہوا
منشیا تے دہشت گردی سنگ منسلک گروہ غا ایک سرغنہ نانہ ممبئی
ہوائی آڈہ تیں گرفتار کر ليو ہے ۔ آپنی ایک سماجی میڈیا غی پوسٹ مانہ
ایس آئی اے نے جانکا ری دیتا ہوا دسیو ہے جے محمد ارشاد عرف آصف
سال 2023 تیں فرار تھو تے یوہ شخص سعودی عرب تیں اس غیر قانونی کا
روائی مانہ ملوث تھو۔ یوہ شخص پونچھ ضلع غا حویلی تحصیل غا دگوار
تیڑواں گراں غو بسنیک دسیو گیو ہے ۔ منشیا تی دہشت گردی غا اس
سرغنہ غا رابطہ دہشت گردی غا پاکستانی رابطہ کاراں تے جموں کشمیر
مانہ دہشت گردی غی سرگرمیاں مانہ ملوث دہشت گرداں سنگ دسیا گیا
ہیں ۔ حال ہی مانہ اُن غے خلاف ناقابل ضمانت وارنٹ تے سر گٹر برائے تلا ش
جا ری کیا گیا تھا ۔ اُس غی گرفتاری منشیا تی دہشت گردی غے خلاف لڑائی
مانہ ایس آئی اے غی یاہ ایک بڑی کامیابی ہے ۔

JJM

جموں کشمیر غا دیہی علاقہ مانہ 81 فیصدی کہراں نانہ نلکاں غے ذریعے
پانی مہیا کرایو گیو ہے اس راہ سرینگر تے گا ندر بل ضلعان مانہ نلکاں غے
ذریعے لوکاں نانہ پانی دستیاب کران غو 100 فیصدی بدف حاصل کر ليو گیو
ہے ۔ آکا شوانی جموں غا نامہ نگار نے خبردتی ہے جے جموں کشمیر یوٹی
مانہ 19.26 لکھ کہراں وچوں 15.63 لکھ کہراں نانہ نلکاں غا پانی غا
کنیکشن دتا گیا ، بقایا 3.63 لکھ دیہی کہراں نانہ پہلاں غی اسکیمان غے
تحت قائم کیا گیا پانی غا اجتماعی ذرائع تیں پانی مل رہیو ہے ۔ جل شکتی
محکمہ نے دسیو ہے جے جل جیون مشن غے تحت 3 ہزار 2 سو 53 سکیم
شروع کی گئی ہیں جن ور 13 ہزار 3 سو 34 کروڑ روپیہ لاگت آئی ہے ۔ ان وچوں
1 ہزار 4 سو 80 سکیم فعال ہیں تے مزید 1 ہزار 6 سو اسکیم ور 50 فیصدی تیں
زیا دہ کم مکمل کر ليو گیو ہے ۔

Air Show

بھارتی فضائیہ غی مشرقی ہوائی کمان غی طرفوں آج گو ابھی مانہ پہلی
وری مکمل ہوائی شٹو غو مظاہرہ کیو گیو ہے ۔ بھارتی فضائیہ غو ہوائی مظاہرہ
اُس غا 93 واں یوم تا سیس غا موقع ور کیو گیو ہے ۔ اس موقع ور فضائیہ غی
طرفوں 75 جہازاں تے بیلی کا پٹراں غو استعمال کیو گیو ہے ۔ ہوائی فوج غو یوہ
مظاہرہ برہم پتر دریا ور لاجت گھاٹ غا مہم ور کیو گیو ہے ۔ اس سال غو فضائیہ
غو یوہ شو ہے چوک، ناقابل تسخیر تے درستگی غا عنوان ور مبنی ہے ، جس
نال بھارتی فضائیہ غی پیشہ وارانہ صلاحیت، ابھرن غی طاقت تے درست کا
روائیاں ور مرکوزیت غو پتو چلے۔ برہم پتر دریا غی فضائی حدود مانہ کیا گیا

فضائیہ غا اس مظاہرہ نے ات آیا تماشایاں نانہ خوب لُبھایو۔ اس فضائی مظاہرہ مانہ رافیل، سکھوئی، مگ اپاچی، آئی ایل 78 رفولر، میراج، جگوار تے دوجا جہازاں تے بیلی کا پٹراں نے حصو لیو۔ ان جہازاں نے گواہی، تیز پور، جرباٹ، چٹوا، ہاسی مارا، بگدوگرا تے پانا گڑھ تے اڑان پریں تے ہوائی کرتب دسیا۔

Labour Dept Ramban

مقامی نوجواناں نانہ روزگا ر مہیا کران غی خاطر لیبر محکمو ضلع رازگا ر تے کونسلنگ مرکز رام بن تے جے اینڈ کے سیکل ڈیولپمنٹ ڈائریکٹوریٹ غا تعاون سنگ پٹر پیدہ کرن غا پروگرام تے روزگا ر سکیمماں نانہ شروع کر رہی ہے۔ ڈی ای سی سی رام بن روزگا ر میلاں تے تربیتی کورساں غواک بڑو مرکز بنیو وہ ہے۔ مشن یووا اقدام غے تحت نوجواناں نانہ تربیت، رہنمائی تے مالی امداد مہیا کرائی جا رہی ہے، تا نچے وے اپنو روزگا ر پیدہ کر سکیں۔ لباس تیار کرن، بجلی غواکم، کمپیوٹر غی تربیت تے باغبانی وغیرہ غا پروگرام منعقد کیا جا رہیا ہیں، تا نچے علاقہ غا نوجواناں نانہ روزگا ر غا موقع میسر کرایا جا سکیں۔ لیبر محکمہ غا رام بن غا اسسٹنٹ کمشنر امت کمار نے آکاشوانی نیوز سنگ گل کرتاں واں دسیو۔ بائٹ۔

مزید خبراں نال عبدالمجید۔ ور اس تیں پہلاں یوہ پیغام۔(یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن آئیر ڈاٹ گوو ڈاٹ ان وروی دستیاب ہیں، اس تیں یہ خبر مہاری موبائل اپ تے ڈی ٹی ایچ وری دستیاب ہیں)

BSF Marathon

فرنٹیر ہیڈ کوارٹر بی ایس ایف جموں غے زیر اہتمام پہلی جموں بی ایس ایف میراتھن 2025 نانہ بی ایس ایف غا ڈائریکٹر جنرل دلجیت سنگھ چودھری نے بی ایس ایف کیمپس پلوڑہ تیں اج سویرے جھنڈی دس غے روانہ کیو۔ اس میراتھن مانہ دوڑ غا چار ژمرہ تھا، 42 کلو میٹر، 21 کلو میٹر، 10 کلو میٹر تے 5 کلو میٹر۔ جموں غا سرحدی علاقہ، گوانڈی ریاستاں تے بھارت پھر تیں 6 ہزار تیں زیادہ افراد نے شرکت کی تے ات اوپریشن سینڈور تیں بعد فورس غی یاہ پہلی بڑی عوامی تقریب تھی۔ اخباری نمائنداں نال خطاب کرتاں واں ڈی جی بی ایس ایف دلجیت سنگھ چودھری نے کہیو جے اس میراتھن غو بنیادی مقصد صحت مند رہن غا جذبہ نانہ بیدار کرنو تے ملک مانہ لوکاں نانہ منشیا تیں بچانو ہے۔ انہاں نے کہیو۔ بائٹ۔

Marathon-Shetty

بالی وڈ اداکار سنیل شٹی نے کہیو ہے جے فلم انڈسٹری شوٹینگ غی خاطر کشمیر واپس آن واسطے تیا رہے۔ اُنہاں نے اِس یقین غو اظہا ر کیو ہے جے یوہ خطو اپنی شان دوبارہ حاصل کر لے گو۔ شٹی غو یوہ تبصرو پہلگام مانہہ اپریل مانہہ ہوا دہشت گردانہ حملہ غے 6 مہینے بعد آيو ہے۔ سرکار پہلگام دہشت گردانہ حملہ تیں بعد سیاحت نانہہ بحال کرن غی کو شش کر رہی ہے کیونجے سیر سفاح مانہہ حملہ تیں بعد کا فی کمی دیکھی گئی۔ اُنہاں نے کہیو جے مہارو جموں کشمیر دوبارہ وقار حاصل کر لے گو۔ شٹی نے جموں میراتھن غا انعقاد واسطے بی ایس ایف غی تعریف کی تے کہیو جے اِس تقریب مانہہ شامل ہونو میرے واسطے بڑی اعزاز غی گل ہے۔ اُنہاں نے کہیو۔ بائٹ۔

Bye Polls

نگروٹہ تے بڈگام اسمبلی حلقاں غا ضمنی چنائو اپنا فیصلہ گن مرحلہ مانہہ داخل ہو رہیا ہیں، کیونجے اِن سیٹاں واسطے انتخابی مہم اِج شام ختم ہو رہی ہے۔ چنائو کمیشن غی ہدایات غے مطابق چناوی مہم با ضابطہ طور ور ختم ہون غے بعد انتخابی حلقاں مانہہ چناوی مہم چلان غی اجازت نہیں وے گی۔ اِس غو مقصد نگرٹہ تے بڈگام اسمبلی حلقاں مانہہ آزاد، منصفانہ تے غیر جانبدارانہ چناوی ماحول نانہہ یقینی بنانو ہے۔ کئی ہفتاں غی سیا سی سرگرمیاں غے بعد سیا سی پارٹیں اپنی توجہ 11 نومبر غا چناوی تیہاڑا ور مرکوز کریں گی۔ جس دِن دوباں اسمبلی حلقاں غا رائے دہندگان اُمید واراں غی قمست غو فیصلو کریں گا۔
